

NAROD I PRAVDA

Elvedin Okerić

Zastupnik u Skupštini Kantona Sarajevo

VLADA KANTONA SARAJEVO

Predmet: Amandman na Prijedloga Zakona o izmijenama i dopunama Zakona o ublažavanju negativnih ekonomskih posljedica i uštedama u Kantonu Sarajevo;

U skladu sa čl. 151. i 152. Poslovnika Skupštine Kantona Sarajevo ("Službene novine Kantona Sarajevo", broj: 41/12-Novi prečišćeni tekst, 15/13, 47/13, 47/15, 48/16, 9/20 i 14/20), dostavljam amandman na Prijedlog Zakona o izmjenama i dopunama Zakona o ublažavanju negativnih ekonomskih posljedica i uštedama u Kantonu Sarajevo, i to:

AMANDMAN I

U članu 3. Prijedloga Zakona o izmijenama i dopunama Zakona o ublažavanju negativnih ekonomskih posljedica i uštedama u Kantonu Sarajevo, kojim se mijenja član 12. stav (4), predlažem i dopunu navedenog člana, tako da se iza stava (5) doda novi stav (6) koji glasi:

"(6) Izuzetno od stava (5) ovog člana Ministarstvo unutrašnjih poslova Kantona Sarajevo može donositi podzakonske akte koji proizvode dodatne fiskalne efekte na Budžet."

Objasnenje

Ministarstvo unutrašnjih poslova Kantona Sarajevo, odnosno Uprava policije, ima opravdanu potrebu za povećanjem broja izvršilaca (policijskih službenika, državnih službenika i namještenika), što će se utvrditi novim Pravilnikom o unutrašnjoj organizaciji, koji predstavlja podzakonski akt u smislu odredbi Zakona o unutrašnjim poslovima Kantona Sarajevo ("Sl. novine Kantona Sarajevo" br. 1/16, 26/19, 31/19 i 39/20), a za čije dodnošenje je ovim zakonom određen rok.

Donošenje ovog pravilnika, kao i povećanje broja izvršilaca potrebno je kako bi se održala operativnost Uprave policije i osiguralo nesmetano obavljanje unutrašnjih poslova iz nadležnosti Kantona Sarajevo /zaštita života i imovine građana, sprečavanje, otkrivanje i istraga krivičnih djela i prekršaja, održavanje javnog reda i mira, osiguranje posebno određenih ličnosti, osiguranje javnih skupova, poslovi sigurnosti, kontrole i regulisanja saobraćaja u Kantonu Sarajevo i dr./, te

unaprijedilo postojeće stanje u oblasti upravljanja ljudskim resursima. Naime, povećanjem broja policijskih službenika poboljšali bi se efekti u procesu prevencije i otklanjanja posljedica kriminaliteta, te stvorili bolji uslovi za efikasno i proaktivno funkcioniranje koje podrazumijeva veću prisutnost policijskih službenika na mjestima i u vrijeme gdje je to potrebno, a koji bi djelovali preventivno prema potencijalnim delinkventima.

S tim u vezi, kako je članom 12. stav (5) Zakona o ublažavanju negativnih ekonomskih posljedica i uštedama u Kantonu Sarajevo ("Sl. novine Kantona Sarajevo", br. 18/20 i 46/20), propisano da se odgađa donošenje propisa iz nadležnosti Kantona koji proizvode dodatne fiskalne efekte na Budžet, a imajući u vidu da će povećanje broja izvršilaca u okviru MUP-a Kantona Sarajevo i Uprave policije imati fiskalne efekte jer će biti potrebno osigurati dodatna sredstva za školovanje/obuku kadeta, sredstva za plaće, doprinose i naknade, kao i dodatna sredstva za opremanje novih policijskih službenika, potrebno je od odredbi člana 12. stav (5) Zakona o ublažavanju negativnih ekonomskih posljedica i uštedama u Kantonu Sarajevo, izuzeti MUP Kantona Sarajevo, te osigurati blagovremeno donošenje novog Pravilnika o unutrašnjoj organizaciji, kao i drugih podzakonskih akata koji će imati finansijski efekat na Budžet.

22.03.2021.godine

Zastupnik u Skupštini KS

Elvedin Okerić